

全五代詩

金瓶梅

全五代詩卷九

羅江李調元雨村 編

唐

莊宗

莊宗名存勗太祖李克用長子天祐五年嗣

立爲晉王破燕滅梁遂襲尊號改元同光在

位三年謚莊宗廟號雍陵

五代史補莊宗公

能自撰曲子詞其後凡用軍皆以所撰詞授

之使揚聲而唱謂之御製至于入陣不論勝

負馬頭纔轉則眾唱齊作故人忘其死斯亦

用軍之一奇也○翰林府名談莊宗時禁旅王

慶乞叙功賞李嗣源亦言其勞莊宗曰知慶

薄有功但每見慶則憤然安得更賜與之

意因舉唐太宗詩曰待余心肯日是汝運通
時○北夢瑣言後唐明宗戒秦王從榮曰吾
見先皇在藩時愛自作歌詩將家子文非素
習未能盡妙諷于人口恐被諸儒竊笑時從
榮方聚雜進士浮薄之子以歌詩吟咏爲事
以此言規諷之一日秦王進詩上說于俳優
敬新磨新磨贊曰勿訝秦王詩好他阿
爺平生愛作詩上大笑先皇卽莊宗也

短歌

一作歌
頭詞

賞芳春暖風飄箔鶯啼綠樹輕煙籠晚閣杏桃紅開
絳萼靈和殿禁柳千行斜金絲絡夏雲多奇峯如削
執扇動微涼輕綃薄梅雨霽火雲爍臨水檻永日逃
絳暑泛觥酌

露華濃冷高梧彫萬葉一霎晚風蟬聲新雨歇惜惜

此光陰如流水東籬菊殘時歎蕭索餘陰積歲時暮
景難留不覺朱顏失卻好容光且須呼賓友西園
長宵讌雲謠歌皓齒且行樂

馮道

道字可道瀛州景城人初事劉守光爲參軍
事敗去事宦者張承業爲巡官薦之晉王爲
掌書記唐莊宗卽位拜戶部侍郎明宗朝同
中書門下平章事歷事晉漢周卒年七十三
自號長樂老諡文懿追封瀛王詩集十卷

長樂

老傳自敘畧曰余先自燕亡歸唐事莊宗明
宗閔帝清泰帝又事晉高祖皇帝少帝契丹

據汴京爲戎二主所制自鎮州與文武臣寮
馬步將士歸漢朝事高祖皇帝今上久叨祿
位備歷艱危階自將仕郎轉朝議郎朝散大
夫朝議大夫銀青光祿大夫光祿大夫特進
開封儀同三司職自幽州節度巡官河東節
度巡官掌書記再爲翰林學士改授端明殿
學士集賢殿大學士太微宮使再爲宏文館
大學士又充諸道鹽鐵轉運使南郊大禮使
明宗皇帝晉高祖皇帝山陵使再授定國軍
節度使又授武勝軍節度使鄧州均房等州
觀察處置等使官自攝幽府參軍試大理評
事兼校尙書祠部郎中兼侍御史檢校吏部
中兼校尙書祠部郎中兼校太尉同中書門
下平章事檢校太師兼侍中又授檢校太師
兼中書令正官自行臺中書舍人再爲戶部
侍郎轉兵部侍郎中書侍郎再爲門下侍郎
刑部尚書右僕射左僕射三爲司空兩在中
書一授太尉兼侍中又授戎太傅又授漢太
師爵

自開國男至開國公魯國公再封秦國公梁
國公燕國公食邑自三百戶至一萬一千戶
食寔封自一百戶至一千八百戶勳自柱國
至上柱國功臣名自經邦致理功臣至守正
崇德保邦致理功臣安時處順守義崇靜功
臣崇仁保德甯邦翊聖功臣靜思本末非人
之謀是天之佑時開一卷時飲一杯食味別
聲被色老而自樂何樂如之○北夢瑣言宰
相馮道形神庸陋一旦爲丞相士人多竊笑
之劉岳與任贊偶語見道行而復顧贊曰新
相回顧何也岳曰定是忘持兔園冊來道之
鄉人在朝者聞之告道道因授岳祕書監任
贊授散騎常侍北中村墅多以兔園冊教蒙
童以是訊之然兔園冊乃徐庾文體非鄙朴
之談但家藏一本人多賤之也○青箱雜記
世譏馮瀛王依阿詭隨不能死節王荆公雅
愛道謂其能屈身以安人如佛菩薩行其所
作詩雖淺近而多諳理○五代史天成長興
之閒歲屢豐熟中國無事道當戒明宗曰臣
爲河東掌書記時奉使中山過井陘之險懼

馬蹏失不敢怠於銜轡及至平地謂無足慮
遽跌而傷凡蹈危者慮深而獲全居安者患
生於所忽此情人之常也明宗問曰天下雖
豐百姓濟否道曰穀貴饑農穀賤傷農因誦
文士聶夷中田家詩其言近而易曉明宗顧
左右錄其詩常以自誦○叢苑天福三年與
戎和當遣輔相爲使趙瑩桑維翰同堂皆未
言以戎反覆難測成懼于將命馮道與諸公
中書食訖堂吏前白北使事色變手顫道索
紙一幅書云道去卽遣寫勅遂舍都亭驛不
復歸家虜以道有重名命與其國相同列戎
賜臣下牙笏及臘月賜牛頭皆爲殊禮道皆
得之以詩謝云牛頭偏得賜象笏更容持虜
中大寒賜道錦襖貂襖羊狐貂衾各一每入
謁悉服四襖宿館中并覆三衾有詩曰朝披
四襖專藏手夜覆三衾怕露頭及還京師作
詩五章述北使之意首章云○總龜瀛王
性仁厚家有一池每得魚放池中其子監承
每竊釣之瀛王聞之不悅於是高其牆鎖卻門監
其門戶作詩書其門曰高卻垣牆鎖卻門監

丞從此罷垂綸池中魚鼈應相賀從此方知
有主人○續翰林志同光中承旨盧質節制
河中道贈之詩略云視草北來唐學士擁旄
西去漢將軍○玉壺清話竇禹鈞生五子儀
儼儒稱億等相繼登科馮瀛王贈禹鈞詩燕
山竇十郎教子有義方靈椿一樹老丹桂五
枝芳時號竇氏五龍○懶真子同州澄城縣
有九龍廟然只一妃土人云馮道女也夏縣
司馬才仲題詩云身既事十主女亦妃九龍
過客讀之皆笑○調元按五代詩中有厯事
數朝者甚多俱各按其事跡於何朝最著者
卽編入其中至馮道身事五代共十君殊難
位置今編于唐者從其朔也亦
卽倣史家之例非敢臆斷也

天道

窮達皆由命何須發嘆聲但知行好事莫要問前程
冬去冰須泮春來草自生請君觀此理天道甚分明

偶作

莫爲危時便愴神前程往往有期因須知海岳歸明
主未省乾坤陷吉人道德幾時曾去世舟車何處不
通津但教方寸無諸惡豺虎叢中也立身

北使還京作

去年今日奉皇華只爲朝廷不爲家殿上一杯天子
泣門前雙節國人嗟龍荒冬往時時雪兔苑春歸處
處花上下一行如骨肉幾人身死掩風沙

盧文紀

文紀字子持舉進士事梁爲集賢殿學士唐

明宗時爲御史中丞遷工部尙書貶石州司馬入之爲太常卿奉使於蜀過鳳翔廢帝時爲節度使見文紀奇之後入立拜爲中書侍郎同中書門下平章事周時進司空五代史本傳唐廢帝立悉書清望宮姓名內琉璃瓶中夜焚香咒天以筋挾之首得文紀欣然相之晉高祖起太原廢帝北征過拜徵陵顧文紀曰吾自鳳翔識卿不以常人爲待今日使吾至此卿宜如何文紀謝罪而已

後唐宗廟樂舞辭

仁君御宇寰海謐清運符武德道協文明九成式敘
百度惟成金門積慶玉葉傳榮

盧汝弼

汝弼登進士第以祠部員外郎知制誥從昭

宗遷洛後依太祖克用表爲節度副使卒唐

莊宗時贈兵部尙書

五代史汝弼故唐時名族與盧程門第相等因

共薦之莊宗卽位議擇宰相而盧汝弼已死乃以盧程爲相拜命日肩輿導從喧呼道中

帝問左右對曰宰相擔子入門莊宗登樓視之笑曰所謂似是而非者也嘗謂郭崇韜曰

朕恨相此癡物益思汝弼焉○李襲吉傳盧汝弼代爲副使封拜官爵皆出汝弼汝弼工

書畫而文辭不及襲吉襲吉嘗爲書諭梁太祖使人讀之至毒手尊拳交相于暮夜金戈

鐵馬蹂踐于明時顏曰李公僻處一隅得士如此使吾得之傅虎以翼也顧謂從事敬翔

答之而文辭亦不及云○北夢瑣言汝弼嘗爲張相濬出征判官傳檄四方其略云致赤

子之流離自朱邪之板蕩謂人曰天生朱邪赤子供我之筆也

薄命妾

君恩已斷盡成空
追想嬌歡恨莫窮
長爲薜花光曉日
誰知團扇送秋風
黃金買賦心徒切
清露飛塵信莫通
閑凭玉欄思舊事
幾回春暮泣殘紅

秋夕寓居精舍書事

葉滿苔堦杵滿城
此中多恨恨難平
疎簷看織蠡蛸網
暗隙愁聽蟋蟀聲
醉臥欲拋羈客思
夢歸偏動故鄉情
覺來獨步長廊下
半夜西風吹月明

聞雁

秋風蕭瑟靜埃氛邊雁迎風響咽羣瀚海應嫌霜下
早湘川偏愛草初薰蘆洲宿處依沙岸榆塞飛時度
晚雲何處最添羈客恨竹窗殘月酒醒聞

鴛鴦

雙浮雙浴傍苔磯蓼浦蘭皋繡帳幃長羨鷺鷥能潔
白不隨鴻鴈鬪毛衣霞侵綠渚香衾暖樓倚青雲殿
瓦飛應笑隨陽沙漠雁洞庭烟暖又思歸

和李秀才邊庭四時怨

春風昨夜到榆關故國烟花想已殘少婦不知歸不
得朝朝應上望夫山

盧龍塞外草初肥雁乳平蕪曉不飛鄉國近來音信斷至今猶自著寒衣

八月霜飛柳半黃蓬根吹斷雁南翔隴頭流水關山月泣上龍堆望故鄉

朔風吹雪透刀瘢飲馬長城窟更寒半夜火來知有敵一時齊保賀蘭山

趙延壽

延壽本姓劉恆山人仕後唐尙主爲樞密使

清泰末官至大丞相封魏王

五代史李崧傳契丹入雁門明

宗選將議久不決延壽欲以康義誠應選李崧獨薦石敬瑭敬瑭陰德之遣人謂崧曰爲

浮屠者必合其尖蓋欲使終始成已事也後
嵒事晉又建議與契丹和親學士薛文遇大
以爲非因誦戊昱社稷依明主安危託婦人
之詩以誚之帝怒嵒惶恐拜無數幾得罪

塞上

黃沙風捲半空拋雲動陰山雪滿郊探水人回移帳
就射鵬箭落著弓抄鳥逢霜果饑還啄馬渡冰河渴
自跑占得高原肥草地夜深生火折林梢

崔居儉

居儉唐末進士仕後唐累官戶部尚書

五代史劉

昫傳居儉以祖諱螽爲太常卿不肯充禮儀
使改祕書監遂怏怏失職中書舍人李祥爲
居儉話詞有聞名心懼之語劉昫輒易曰有
恥且格居儉訴曰名諱有令式予何罪也問

者皆傳
以爲笑

後唐宗廟樂舞辭

艱難王業返正皇唐先天再造卻日重光漢紹世祖
夏資小康功成德茂率祀無疆

熊 鰥

鰥後唐清泰二年登進士第延州劉景巖辟

爲從事晉終商州上津令有屠龍集

東觀餘論劉夢

得言八音與政通文章與時高下昔人是之
五季道衰文喪當時操筆牘大率皆呿俚淺
下亂雜無章其閒能遠不忘君忘在憂國文
雖膚近而忠誠可取若鰥者蓋鮮儷也余讀
其二國音書絕二十篇及晉末感興諸詩而
悲之蘇君又出當時集稿示余雖不脫爾曰